

Jonihomĩ Utĩpĩho Kapĩho

Kimandi 2 Jonihopi

Utĩpĩmandapi Nesĩpĩhande

Komĩ utĩpĩmo kĩmoaatĩhi Jonĩho komĩ ambĩpati auta ahonĩne tati wĩndĩ ahĩmaise. Owetise. Saihĩhandĩ kandi ami isĩhiyaahi kĩmo utĩpĩmopĩ Jonĩho jĩpatĩpiyahore tĩwĩ gwĩnyaawaayopo. Nyahĩ siyaati gwĩnyaahaayo, ko komĩ tiworisaapi yayataati komĩ ambĩpati auta wĩndĩ ahĩmaise, taati gwĩnyaahaayo. Ami naasĩkati kiyati komĩ pĩwĩhaatĩhisangi satati, “nisĩ nyĩnaamaane,” tati jĩpatĩpiyataise. Sandĩ, “nisĩ nyĩnaamaane,” tindĩmandĩ Autaahaatĩhomĩ isĩhiyaapi gwĩnyaataati komĩ ambĩpati netĩ noasati katise. Iyataahandĩ kandi nyahĩ sandapi wĩndĩ biyaati monĩho, ko Autaahaatĩhomĩ isĩhiyaapi gwĩnyaati katindĩho e apopaati waatapi satati katindĩho? Komĩ pĩwĩha wuwani namasati katisĩha awaisĩha satati kandaase. Autaahaatĩhomĩ isĩhiyaami awaandĩhandĩ gwĩnyaahotĩhandĩ siyate, Jisaasiho mbĩpa itĩpĩhoematati nasataamaise. Owetise. Ko nehĩ utaahoematati ambĩpatisaho nasataise. Iyati ami ko titĩhi gaahoematati noaipataamaise. Ami ko titĩhi Autaahaatĩhotati ami nehĩ titĩhi utaahoematati noaipataise, tati Jonĩho nyangi katanyisati jĩpatĩpiyataise.

Nyahĩ Autaahaatĩhomĩ Pĩwĩha Akitĩha

*Akaaha Watipitaati Isiwatohaawi Isihiya
Nehi Kiyai Wa Wipetha Ausaahohiyhiyaapi
Jatindhaawo*

¹ Nini isihiya Kiraisihopi gwunyaahohiyhiyai iwinjaati bimohihonini kimandi utipimandi kinyi apopaanyapi jipatipiyataayo. Iyataati kinyi apopaanye, gisun kinyi metihonyaisuni sausasaati noaipapi Autaahaatihomihusasaatimatitaatiw Autaahaatihohaimi nasamihanati ahisisususaatapi utipihandi kimandi jipatipiyataayo. Iyataati nini sausasaatangi akitinhi bairiho maarho nasanyataayo. Iyataati ami ninhi maarho nasanyataamaayo. Owetise. Isihiya piwaha akaahaami Tanyaaho Kiraisihoaisawi maasi timaamaitohiyhiyai maawi sausasaatangi maarho nasanyawaayopo. ² Iyataati sangisi maarho nasanyohitimandi sandi apaapimaahe, piwaha akaahaami Tanyaaho sandi nyangisatitih. Iyataati piwaha akaahaami Tanyaaho So wanuni ipotuni nyangisati maasititaise. ³ Iyataati piwaha akaahaami Tanyaaho nyangisati maasi bimonih nyahi isihiya usaisaati maarho naminjaihi nyami Apihouni komi Mwaaho Jisasi Kiraisihouni nyangi anditinyaipi nyapi maarho asipinyimi nyami maarho nepi napaisaatinyamaitaise.

*Kima Piwima Nyahi Biyaati Maarho
Namindhaahireti Japepihirithaahandapihaare*

⁴ Iyataati kinyi metihonya wonya Apihohi saiwi saiwi kaiwise tati katirihiri kireti japepihiriwititih gaahandi kiyopo tauhi atisaataati

nini apipaahi aungwohandi asakaindi maaritataayo. ⁵ Isi apopaanye, isihya usaisaati maarho biyaati namindihaawo hititi waati kahitaataato. Iyataati isihyaisawi maarho namindaatiwihandapiha piwaha waniha asaaha winihapipa kahititi jipatipiyataamaayo. Owetise. Wuwaninhi Jisaasihopi nyahi gwunyaahaawi suraanhi aimi atisohihaare. ⁶ Isi nyahi Autaahaatihomi piwaha atisaati japepihirahaawaahi sandi maarho nunyahaayo. Iyataati wuwanihura sahi Jisaasihopi nepemaitwi gwinyaapi gwunyaahohura piwaha saiwaha aimi atiwihyaate: Maarho baiwi isihya usaisi akitinhi nunyawo namindaatiwihireti japepihirwi daiwise tauhi aimi atiw gwinyaapihiyaate.

*Kiraisihomi Piwaha Biyaati Anitisa
Isiwatithaahandapihaare*

⁷ Isihya nyangi piwaha jaiwitiwaha kanyatitaatiwihya titaahiyihya taawi daayawaayopo. Isi kiya piwaha jaiwitiwaha satitaapo, Jisasi Kiraisiho so neh utahoematati nasataamaise. Owetise tiwi katitaapo. Iyataati siya Jisaasihoai ipihatiwimaito tiwihyaare. ⁸ Isi isihya piwaha jaiwitiwaha kasatisaihi sahi kiyaami piwahaapi akaahaare, tiwi wiwa atiw gwinyaapi japepihiritaawi jaawo. Iyataati sahi kiyaami piwaha japepihirawaawaahi sami otipipati Autaahaatihomihati kiyohipati nepi nopisasaataapo. Iyataati ami sami otipipati kiyohiwaiwaapi wihoanhandi gaahandi Autaahaatihho wiwa sangi namaasamitaisi

jaawo. Isi sami otipipati Autaahaatihomihati kiyohipatapi wihoanjihandi titihi baiwi nga naitaatiwihandapaahih anditititwi giwunyaapise. ⁹ Isi utaahe wo Kiraisihomi piwaha biyati anitisa miwatati piwaha wa nehaha atisa maaritati kiyonaahi Autaahaatihokoaisati windi bimimitaise. Owetitaise. O ami utaahe wo Kiraisihomi piwaha anitisa isiwonaahi Sapihouni Mwaahouni maindari koaisamititaise. ¹⁰ Iyataati utaahe wo Kiraisihomi piwaha windi amusaati neh piwaha jaiwitihaahih ausaaho sami anjipipih nasonih sahi koaisi ipihirete, undiwi piwaundiwi sami anjipipihapi numwaasi namuwise. Owetane. ¹¹ O ami utaahe wo koai piwaundati kiyataataahi utaahe komi maipihandi kaindihandi piwaundisihoi maawi mikhandi maipihandi kiyataise.

Piwaha Ipotihaare

¹² Nini sangisi piwaha pihindi kasatiti jipatipaitihati kati utipihandi kimandaatihindi windi waati jipatipimaayo. Piwaha pihindi kasatiti jipatipimaayohitindi apaapimaah. Ami nini sangisi napiti jasoniti piwaha kasatiti kaitandihandapi gwinyapenataati piwaha pihindi kasatiti jipatipimaayo. Iyataati nini napiti jasosanihi suraanihi aungwohandi nahatiyaanini maaritito. ¹³ Kinyi kinaanahaati Autaahaatihoko nisahaane, undati ahiwisaamaatami metihonya gisi ipihirete hitawaatopo.

Kima piwaha nini Jonihonini kasatiti
jipatipiyataayo.

Autaaahatihomi Piwaha Gaaha Waniha
The New Testament in the Angaataha language of
Papua New Guinea
Nupela Testamen long tokples Angaataha long Niugini
copyright © 2004 Wycliffe Bible Translators, Inc.

Language: Angaataha

Translation by: PNG Bible Translation Association

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-17

PDF generated using Haiola and XeLaTeX on 3 Mar 2023 from source files dated 9 Oct 2020

b83b4d2c-30be-5f11-8fb0-fa04e4808bad